

BE.201. NA MARTUNGKOT SERE AU (C=1)

=====

B.E. 201. NA MARTUNGKOT SERE AU

1. Na martungkot sere au Di dalanku tu na dao
Sian surgo i do ro Surgo i ditudu do
I ma haporseaonku Na pahothon pardalanku
Na patogu langkangki Sahat ro di surgo i.
2. Sada pardisurgo i Do disuru Tuhanki
Manginganhon rohangkon Mangajari au tongtong
I ma holong ni rohaNa Sian denggan ni basaNa
Do dilehon i tu au Asa unang mago au.
3. Marsinondang do tongtong Dibagasan rohangkon
Sada bintang na torang Na mambahen au sonang
Pangkirimon ni rohangku I ma sian Debatangku
Patiurhon dalanki Tu banuaginjang i.